

VITA
D. THOMAE
AQVINATIS

OTHONIS VÆNI
ingenio et manu
delineata.

ANTVERPIÆ
Sumptibus Othonis Vænl.
M. DC. X.

1610



1.

C. Boel

EFFIGIES D. THOMÆ AQVINATIS:


Quem Ecclesia Doctorem, scholæ magistrum, hæretici flagellum habuere: quemq; Pius Papa V. quintum Ecclesiæ Doctorem nominare solebat. Hunc Italia nascentem vidit, sanguinis nobilitas celebravit. Anus eius fuit Comes Sommacolensis, qui Frederici II. Imp. sorore ducta Landulphum progeniuit, cui Theodora Comitis Theanensis filia sanctum Thomam peperit.



2.

C. Boel

Antequam nasceretur D.Thomas, Anachoreta quidam sanctitate eximius, læto matrem prægnantem nuntio cumulauit; masculam scilicet prolem futuram, ac totam familiam eius splendore illus trandam: monstrataque imagine Deiparæ ad cuius pedes D. Dominicus flectebat; dígito in beatum virum intento, similem filij habitum futurum pronuntiauit.



3.

E. van Paendren.

Eodem quo natus est die, natus est et S. Ambrosius Senensis, et S. Iacobus de Meuania, ambo Ordinis D. Dominici; visaque pleno die in ciuitate Meuaniensi tres mediae Lunæ in quarum singulis religiosus eius Ordinis apparuit: quibus visis pueri per compita cursitabant clamantes, Ad scholas; Ad scholas: innuentes scilicet iam tres eximios in mundum Doctores aduenisse.



4.

C. Boel.

Cum eum aliquando nutrix in balneo abluere vellet, infans chartulam
è terris sublatam (in qua Salutatio Angelica descripta erat) quanta
vi potuit pugno clauso retinuit; quam cum violenter nutrix abstu-
lisset, fletu et clamore eam infans repetit, quam acceptam ori ingerens
deglutijt: ut iam à teneris annis coluisse Deiparam visus sit.



5.

E. van Paenderen

Aquino flammis deleto Cassinum in monasterium Ordinis D. Benedicti à patre relegatur: ubi iam tum à prima ætate radius quidam futuræ sanctitatis emicuit. Mittitur inde Neapolim studijs operam daturus, in quorum medio cursu, anno scilicet ætatis quarto decimo, post longam repulsam, habitum D. Dominici, inscijs parentibus, ut prædicatum fuerat, suscipit.



6.

C. Boel.

Mater hoc muntio perculta, Neapolim statim properat. Thomas vero, audito
matris aduentu, à fratribus Romam, ne matri occurreret, deductus
est. Latuit id matrem, quæ cognito filium Romam petiisse, eodem
reuersa est. Pius autem iuuenis, omnes occasiones quibus à proposito
dimoueri posset, evitans, securitatis gratia Parisios mitti postulat.



7.

C. Boel.

Mater rata in sui contumeliam id filium comminisci, fratres eius, Landulphum et Arnoldum, militia claros, mutato animo, litteris incitat, ut Thomam ex Italia in Gallias transeuntem ex insidijs interciperent. Illi lectis litteris, grauiter commoti rem prospero successu conficiunt, et Thomam repertum in prato, iuxta fontem, vna cum socijs, contumeliosè habitum, ad matrem remittunt.



8.

C. Boel.

Agreditur eum blandimentis mater, et omni conatu ut sacrum deponat habitum
allaborat: sed ubi illum altiore fundamento nixum videt, quam ut blanditijs
flectatur, custodiendum illum in castro quodam tradit. Accedunt et sorores, ut eum
a proposito dimoueant; sed illo cum ijs sermonem miscente, ita repente mutatae
sunt, ut earum maior, pos thabito mundo, sacris se virginibus aggregaret.



9.

C. Boet

Fratres tam pio sororis proposito magis adhuc in Thomam exacer-
bati sunt, eque casbris reuersi eo furoris peruererunt, ut post
multas iniurias cum insigni contumelia Thomæ illatas, sacrum habi-
tum discerperent; quod pius iuuenis non modo patienter, sed magno
animi gaudio pertulit, ad maiora adhuc subeunda sese preparans.



10.

C. Boel.

Porro mater ita aduersus iuuem commota est, ut fratribus suaserit,
eum carceri arcetæque custodias mancipare. Itaque in arcem
Rupem sicciam nuncupatam detrusus, multo milite custoditus est;
nequa effugij via pateret; at animosus tiro his omnibus infractus
persistens, egregium fortitudinis animique roboris documentum dedit.



41.

C. Boel

Erat ei ergastulum hoc velut paradiſus voluptatis, et solitudo illa instar deliciarum: in qua affidus Deum precibus obsecrabat, ut sibi in sancto proposito constantiam infunderet. Interea fratres extrema conantes, impudicum scortum, quod pudicum adolescentem ad facinus solicitaret, ad eum mittunt: non tulit castus adolescentis animus impudicæ mulieris illecebras, sed arrepto è foco titione procacem à se feminam abegit.



12.

C. Boel.


Ostio clauso, titione quo impudicam feminam fugauerat, crucis figuram in pariete depingit, prostratusque in terram Dominum pro perpetuae continentiae dono deprecatur. Et ecce leni corripitur somno, duoque eximio splendore fulgentes Angeli adesse visi sunt, qui cingulo renes eius stringentes, omnem libidinis motum absulerunt: tanto id quidem cum dolore, ut clamore suo custodes corporis excitaret.



13.

C. Boel.


Cum iam biennio carceris molestias tolerasset, mater eius diuinum iudicium extimescens, Dominicanis fratribus, licet adhuc iratam sese simularet, potestatem fecit eum quo vellent educendi: qui auxilio quoque sororum eius, eum subducatis custodibus è castro, per fenestram in spora demittunt, ac mox Neapolim, ubi vota monastica emisit, et inde Romam reducunt.



14.

G. Swanenburg

Albertum Magnum in Theologicis assidue cum perpetuo silentio audit: unde factum est, ut ei vitio id verteretur, adeo ut a condiscipulis Bos mutus diceretur. Verum cum quodam tempore, Doctoris sui auctoritate, questionem aliquam, Praeside Alberto, defenderet, tanta id ingenij dexteritate fecit, ut eum Praeses non tam respondentis, quam Doctoris eximij officio functum dicens, subiungeret: Nos hunc bouem mutum vocatis, sed tales ille olim mugitus edet, vt mundus eum totus sit auditurus: vt reipsa deinde contigit.



15.

E. van Paendren.


Postquam Coloniæ sub Alberto Magno in sacris studijs non
mediocriter profecisset, Lutetiam venit anno Domini MCCXLVI.
ubi Doctoris nomine et munere, anno ætatis tricesimo insig-
nitus est: in quo ita toto vitæ suæ tempore versatus est,
vt toto terrarum orbi egregia eruditionis monumenta reliquerit.



16.

C. Boel.

Sæuire interim cœpit Lutetiae grauis illa tempestas aduersus Religiosos Mendicanes, qui magno tum temporis honore publicè lectiones habebant, adeò ut Thomas, eiusque collega D. Bonaventura, magna contumelia è scholis publicè eiecti fuerint. At Thoma tum lingua tum calamo sese viriliter opponente tranquillitas affulsit; donec tandem diplomate Alexandri Pont. pro voto Religiosorum res composita est.



C. Boel.

Cum graui disceptatione de Ven. Sacramento Eucharistiae orta, Thomas sententiam suam scripto consignasset, eamque in altari coram Crucifixo posuisset, orans ut eam Christus signo aliquo confirmaret; ecce tibi subito Thomam à terra sublimem, Crucifixumque ad eum clara voce dicentem: Benè scripsisti de me, Thoma, quam ergo mercedem accipies? Cui ille, Non aliam nisi te, Domine.



18.

C. Galle.

Cum pro sensu loci alicuius in Isaia triduo ieiunijs et orationibus institisset, nocte quadam socius eius Reginaldus duos cum eo loquentes audiuit: quibus abeuntibus, socio ad se vocato, commentaria in eum locum expedite admodum dictauit. Quo facto obnixè eum Reginaldus rogauit, ut qui illi fuissent, cum quibus tanto tempore locutus erat, aperiret: victus Thomas ait fuisse sanctissimos Petrum et Paulum Apostolos, qui eum vni cum Deipara Virgine in dubijs saepius edocere soliti erant.



19.

E. van Paendren

Intrat cubiculum eius D. Bonauentura, qui ei semper in studijs et pietate collega exstitit, videt ille Thomam magna attentione abreptum, et scribendo occupatum, ac Spiritum sanctum in columbae specie et ad aures adstantem, qui ei quæ scribenda erant dicaret: quo viso, D. Bonauentura, nequod impedimentum scribendi daret, statim se cubiculo proripit.



20.

E. van Paenderen

Cum die Natiuitatis Domini ad cedes Card. Richardi diuertisset, eodemq; duo prædiuites Iudei, et in lege egregiè periti conuenissent, grauis disputatio de aduentu Messiae orta est; quæ cum in multam noctem traheretur, et Iudei viatos se faterentur, res in crastinum defertur. Interea Thomasi rem precibus Deo commendante, eodem Iudei reuersi, Iudaicam perfidiam abiurant, Christoque nomen dantes baptismate abluuntur.



21.

E. van Paenderen.

Clemens Papa IV. cùm ei Archiepiscopatum Neapolitanum traderet, vir sanctus eum repudiat, obnixè postulans, ne huiusmodi se dignitatibus in posterum oneraret: diuitias enim et mundi honores, præ ea qua prædictus erat animi dimissione, heroice fastidiuit; utpote qui olim laudanti ciuitatem Parisiensem pluris opus Imperfectum Chrysostomi in Matthæum, quam eam se facere responderit.



22.

E. van Paenderen.


Bononiae quadam die in conuentu contemplans inambulabat, cum frater quidam externus ei obuiam factus petijt, ut se comitem itineris, facta sibi à Priore obuium assumendi potestate, ad negotia quedam obeunda præberet. Thomas paret, sed dum præ pedum infirmitate præeuntem sequi non posset, alter durius increpare coepit, quod Thomas æquo animo tulit. Ciubus autem quibus notus erat, ad hanc submissionem obstupescientibus ait, hac ratione monasticam disciplinam perfici.



C. Galle.

23.

Eo tempore quo Manichæorum dogmata oppugnabat, S. Ludouicus Rex Galliæ eum ad conuinium invitauit. Prioris quidem iussu eò se contulit, at inter epulas adeò studijs intentus erat, vt manu mensam percutiens diceret, Definitum est contra Manichæos, vocansque ex nomine socium, Surge, ait, et scribe. Dicente porro Priore non se domi sed in mensa regia versari, veniam à Rege petijt.



24.

G. Swanenburg.

Creberrimos mentis patiebatur excessus, ut ij qui his non assueuerant, admirarentur, timentes nequid ei humanitus accidisset. Hinc factum est ut dum illi medicorum consilio in tibia adhibendum esset cauterium, in eiusmodi excessu id factum sit: illo quippe tibiam extendente, adeo mente in Deum eleuatus erat, vt ab omni sensu alienus, nullum dolorem sentiret.



25. E. van Paendren.

Ad Concilium Lugduni indictum se conferens, in itinere morbo correptus ad coenobium Fossæ-nouæ Cisterciensis Ord. diuertit; ubi cum ultimum instare sibi diem prospiceret, fratribus illius loci Cantica Canticorum exposuit. Verum cum ad ea verba, Veni dilecte mi. &c. peruenisset, oculis in caelum sublati, spiritum Deo reddidit. Visus est eodem momento Religioso cuidam S. Petrus Apost. qui Thomam è schola ad caelum trahere videbatur. Quin et Albertus Magnus Coloniae existens, lacrymans adstantibus dixit, F. Thomas de Aquino Ecclesiae lumen hodie exspirauit.



26.

E. van Paenderen.


Incredibile dicitur quantum mortuus sui desiderium reliquerit, deplorabant abreptum omnes eius regionis incolae, et quotquot verae pietatis studiosi erant, qui magno numero ad exequias confluebant. Conditus est ante summum altare, ad cuius tumulum plurima miracula Dei fieri permisit. Prior monasterij cæcus, visum recuperat, mortuus eò delatus ad vitam reddit, et plurimi energumeni liberantur.



27.

E. van Paendren

Ut sacrum eius corpus terræ mandatum fuit, Abbas et Monachi eius loci veritatem tantus thesaurus quandoque auferretur, de nocte aliò illud transtulerunt. Sed cum vir sanctus Abbati in somnis appareret, minasque nisi ad pristinum locum reduceret, intentaret, rursus tumulum aperiunt, unde mira odoris fragrantia emanauit, corpore vestibusque integris adhuc repertis.



28.

E. van Paendren.

Cum vero visum esset Domino nouis et egregijs miraculis indies
mirificare Sanctum suum, multorum Principum et totius orbis instan-
tiā, post maturum et sincerum ab Archiepiscopo Neapolitano Episcopoque
Viterbiensi factum examen communi totius Ecclesiae, Pontificisque Ioannis XXII.
consensu, in Sanctorum numerum Auenione translatus est, anno 1323.



29.

E. van Paenderen.

Dolebat vniuersus Ordo Prædicatorum tantum thesaurum sub alienis tutoribus
contineri: vnde totius Ordinis nomine Generalis à Pontifice impetravit, sacrum
vt corpus Tholosam potissimum, idque multis de causis, transferretur. Occurrit
sacræ huic traſlationi Galliæ Regis frater Dux Andegauensis, magna homi-
num multitudine stipatus; vt supra CL. hominum millia eò conuenisse dicantur.



30.

E. van Paendren.

Magnus quotidie hominum numerus ad sepulchrum eius Tholosam confluebat, tum sanitatis consequenda gratia, tum vero voti exsoluendi: unde factum est ut Pontifex Clemens ex indulto sedis Apostolicæ, indulgentias largitus sit ijs qui in anniuersario depositionis eius die, confessione expiati, et sacra Eucharistia refecti templum fratrum Dominicanorum visitauerint.